

本草綱目

九十五

毒草類

4加3
180
73



4 3

巫 圖 毒

會 同 印 攻

和漢二才圖會卷第九十五目錄

毒草類

大黃

防葵

大戟

續隨子

蓖麻子

木藜蘆

商陸

狼牙

澤漆

葶藶

常山

萬年青

狼毒

藺如

甘遂

雲實

藜蘆

附子

烏頭

和漢二才圖會

毒草類 卷九十五

目錄一

草烏頭

歡喜草

半夏

射干

玉簪

曼陀羅花

平戶躑躅

映山紅

白附子

芍藥

蚕休

烏扇

小玉簪

羊躑躅

永來部躑躅

芫花

天南星

菩薩草

鬼臼

鳶尾

鳳仙花

藕躑躅

山躑躅

堇花

醉魚草

石龍芮

葶麻

鈎吻

莽草

毛茛

海芋

茵芋

牛扇

透山根

和漢三才圖會卷第九十五

毒草類

攝陽 城醫去橋寺島良安 尚順 編



大黃

唐音

たいぼう

黃良 將軍

層如 火參

和名於保之

本綱大黃蜀川河東陝西皆有之而蜀川錦文者佳二月
 卷生黃赤其葉子莖並偃半蹄莖高三尺許脆其葉四四
 相當粗長而厚三月花黃五月實黑八月采根其根有黃
 汁大者如盤長二尺切片陰乾然性溫潤而易蛀壞火乾
 乃佳作時燒石使熱橫寸截著石上煨之一日微燥以繩

穿狼乾

一種出於秦隴者名土番大黃正月內生青葉但莖麻大者如扇根如芋大者如盤長一二尺其細根如牛蒡小者亦如芋四月開黃花亦有青紅但莖葉花青紫色形如竹株根去黑皮切作橫片火乾但蜀大黃乃作緊片此乃作橫片物用等

一種有羊蹄大黃雖似大黃實非一類見羊蹄根之老者也

大黃味苦寒氣沉而降陰也頂峻下者生用若邪氣在上非酒不至必用酒浸驅熱而下若用生者則遺至高之邪熱也下瘀血破癥瘕積聚蕩滌腸胃推陳致新如散定禍亂以致太平所以有將軍之號血分之藥也凡病在氣分及胃寒血虛并姪娠產後勿輕用無所畏惡之使

△按大黃豎或橫殺片者名殺大黃通穴繩繫者名繫大黃雖謂如錦文者佳今藥肆錦文者無之蓋歷月日故錦文消失乎今多出倭大黃皆羊蹄根及酸橫根大者

也凡通利之劑可用唐大黃傳疥癬諸瘡宜用倭大黃



商陸

俗云山牛蒡

蓬葛 當陸
章柳 白昌
馬尾 夜呼
和名伊保須木

本綱商陸生園圃中春生苗高二四尺青葉大如牛舌而厚長脆莖青赤至柔脆夏秋開花作聚根如蘿蔔而長八九月來根日乾花赤者根赤花白者根亦白其白者入藥赤與黃色者有毒不可食昔人種之為蔬根苗莖並可洗蒸食或用灰汁煮過亦良其形類人者入藥

根酸毒 陽中之陰能療水腫又切生根雜鯉魚煮作湯服

△按商陸處處有之葉如煙草嫩葉其花房如旋覆花而大其根如牛蒡因俗稱山牛蒡出於蕪州及攝州者良

或云水腫者食之無功，刺瀉利蓋疑不撰，赤白用赤者，被中毒矣，但粘臍藥用赤可也。



狼毒

本綱狼毒葉似商陸及大黃，莖葉上有毛，根皮黃，肉白，以實重者為良。陳而沉水者良，輕者力劣。此六陳之一也。
六陳者麻黃、橘皮、半夏、防葵及草蘭，若能似狼毒誤混，用最宜詳審。

根辛平有毒，治九種心痛，一蟲二性三風四悸五食六飲七冷八熱九氣。又治連年積冷流注心胸及落馬墮車瘀血中惡等證，名九痛丸。狼毒香吳茱萸湯泡巴豆去心乾薑炮人參各一附子去皮各為末煉蜜丸梧子取霜

大每空服，溫酒下一丸



防葵

房苑 梨蓋 利茹

本綱防葵莖葉似葵，每莖三葉，一木十數莖中發一幹，其端開花如葵花，景天輩而色白，六月開花，即結實，根似防風，香味亦如之。今乃用枯朽狼毒當之，緣真相似也，勿誤用狼毒。
根辛寒無毒 治疝瘕腸腹膀胱熱結溺不下，效逆癰瀉驚邪。

本草綱目卷之九十五 防葵



狼牙

牙子 狼齒
犬牙 抱牙
支蘭

シヤア、

和名古末豆奈木

本綱狼牙苗似蛇莓而厚大深綠色根黑若獸之牙齒七月華八月實黑色其根三八月采暴乾若中濕腐爛生衣者殺人色白者善

根有苦寒 治邪氣熱氣疥癬惡瘡

△按狼牙山野處處有之高一二十尺莖枝葉花並似萩而小七月開花作莢如小豆莢中子黑色其根甚強故葛人可繫牛馬俗呼名駒繫

本草 卷之六十五 毒草 狼牙



蔞如

孫あさみ

離婁 掘据

白者名草

蔞如

和名孫阿佐美 又云仁比萬草

リエイゴイ

本綱蔞如春初生苗高二三尺莖葉如大戟而葉長微闊不甚尖折之有白汁抱莖有短葉相對團而出尖葉中出莖莖中分二三小枝二三月開細紫花結實如豆大一顆三粒相合生青熟黑中有白仁如續隨子之狀其根長大如蘿蔔蔓菁狀或有歧出者皮黃赤肉白色破之有黃漿汁初斷時汁出凝黑如漆往往用其根充狼毒誤也根無漿汁以

根為異

治惡肉敗瘡又治甲疽

生干脚趾 蔞如 二兩

黃芪 二兩 苦酒 以猪脂五合合煎取膏三合日三塗之

即消又能治馬疥

△按蘭如古本朝有之今無識者

皮黃肉白者更峻利



紅芽大戟紫色



大戟

たいげさ

功鉅一下馬仙

和名波夜
比止久佐

タア、キツ

本綱大戟生平澤春生紅芽漸長叢高一尺以來莖中空折之有白漿葉長狹似柳葉而不團其稍葉密攢而上三

四月開黃紫花團圓似杏花杭州紫太戟為上

江南生者葉似芍藥為次又北方綿大戟色白其根皮柔韌如綿甚峻利能傷人弱者服之或至吐血

根苦寒有利大小便治十二水腹滿急痛不問年月淺

深大戟當歸橘皮兩各一切以水二升煮取七合頓服利

下水二三升勿怪至重者不過再服便瘥禁毒食下年

永不復作凡大戟得棗即不損脾反甘草用之使惡薯蕷

△按大戟和州金剛山之產良名小太戟丹波伊豫次之其葉圓葉間開細花有白赤紫數品結實以苧麻根偽之宜擇之



澤漆

とらひんごさ

五鳳草 澤漆
貓兒眼睛草
綠葉綠花草

俗云燈臺草

ツエツ ツイツ

本綱澤漆原澤平陸多有之春生苗一科分枝成叢柔莖如馬齒莧綠葉如甘藷葉葉圓而黃綠頗似貓睛莖頭凡五葉中分中抽小莖五枝每枝開細花青綠色復有小葉


承之齋整如一插莖有白汁粘入根白色有硬骨

莖葉苦微寒利水治浮腫功類大戟而其莖有白汁亦

同故誤以為大戟然大戟根苗皆有毒澤漆根硬不可用苗亦無毒可作菜食使惡薯蕷

△按此草形狀似燭臺俗呼名燈臺草其莖汁能治疣黑

子且牛馬亦不食此草乃有毒明矣



甘遂

カンスイ

甘藁 陵藁
甘澤 重澤
白澤 苦澤
鬼醜 主田

本綱甘遂苗似澤漆莖短小而葉有汁根皮赤肉白作連珠大如指頭續隨子

根苦寒有毒

能瀉十二種水腫木結胸中非此不能除故仲

景大陷胃湯用之但有毒不可輕用瓜蒂為之使惡令人多以麩煨熟用以去其毒

△按甘遂一名途波曾本朝古有之今無



續隨子 千金子拒冬 菩薩豆聯步 千兩金

ソツスイツラ

本綱續隨子苗如大戟初生一莖莖端生葉葉中復出葉花亦類大戟自葉中抽幹而生實青有殼秋種冬長春秀秋實莖中亦有白汁可結水銀人家園亭中多種以為飾子辛溫有毒下水最速然不可多服此與大戟澤漆甘遂莖葉相似主療亦相似其功皆長干利水又治疣黑子以續隨子熟時塗之自落

△按續隨子其殼青子如小豆大而黃色紀州之產良



菘若

らんたん
おやみりくこ

横唐 行唐
天仙子

和名於保
美留久佐

本細菘若生海濱川谷今處處有之苗莖高二三尺葉似地黃王不留行紅藍等而濶如三指莖葉皆有細毛四月開花紫色一云白色五月結實有殼作聖子狀如小石榴房中子至扁細青白色如粟米粒其子不可生服傷人見鬼狂亂者之下二日而芽方生其毒為物可知矣菘若雲實防葵赤商陸皆能令人狂或見鬼者

子苦温有毒

人療顛狂方然不可過劑

綠豆甘草升麻犀角並解其毒

△按菘若海濱有之其葉形畧似野菊而莖葉皆有白細毛四五月開花有白有赤結實如聖子俗稱之河原艾非也河原蓬別有種今人不知菘若和名而漫稱之而已或以菘若訓煙草甚誤



雲實

からすのきんとう草雲母臭草

粘刺草子名

員實 雲英

天豆 羊石子

馬豆 和名濱佐々介

イシシツ

本綱雲實平澤處處山原多赤莖中空有刺高者如蔓其葉如槐三月開黃花曇然滿枝莢長三寸許狀如肥皂莢有子五六粒正如鵲豆兩頭微尖有黃黑班紋厚殼白仁咬之極堅重有腥氣其花有毒能令人見鬼發狂實無毒治泄痢腸澼去邪惡結氣除寒熱治癰△按雲實原野池堤有之俗謂之鴉乃豌豆一種有野豌豆者其花淡紫色其葉似胡豆葉而結莢一種有野胡豆者其花紫白色其葉似槐芽而結莢共出柔滑菜部而人食其葉雲實相似而有開黃花之異耳不可不知是毒草之屬也

ノリ



苧麻

和名如良加之波
一云如良衣

本綱苧麻夏生苗葉其莖有赤有白中空其葉似大麻葉而甚大每葉凡五尖夏秋間極裏抽出花穗疊疊黃色高丈餘每枝結實數十顆上有刺攢簇如蠟毛而軟凡三四子合成一顆枯時劈開狀如巴豆殼內有子大如豆殼有斑點狀如牛蟻再去斑殼中有仁嬌白如續隨子仁有油可作印色及油紙子無刺者良子有刺者毒

子甘辛有毒外用屢奏奇效但不可輕內服搗膏點六畜舌根下即不能食點肚內即下血死其毒可知矣如服者下生不得食炒治口眼喎斜搗膏左貼右貼左即正又催生下胞取七粒去殼研膏塗脚心若胎及衣下

便速洗去不爾則子腸出如子腸出即以膏塗頂則腸自入也

油追膿乃外科要藥鴉鵂油能引藥氣入內苧麻油能拔病氣出外故諸膏多用之

△按苧麻和名唐獮言其葉唐荏言其油今俗稱唐胡麻出於和州者良紀州藝州之產次之近頃煉成用代蠟燭又取油法苧麻仁去殼五外用水一斗煎之沫出盡取一點入水不散為度

朱印色

其方有數品一方苧麻子五十錢去皮川棟子五十個取肉黃蠟銀朱錢艾葉綿者用二錢如先用川棟子肉黃蠟煉和冷定苧麻油及艾膏合成絹裹用又黑印用油煙灰和苧麻子油用之

一種有博落迴者生江南山谷莖葉如苧麻莖中空吹之作聲如博落迴折之有黃汁不可用入口有大毒人立死

△按博落迴本朝未知有之



常山

子ヤシカン

和名久佐木
一云山宇豆木

恒山鷄屎草

互草鴨屎草

根名常山
葉名蜀漆

本綱常山生山谷間莖圓有節高者不過三四尺葉似荊而狹長兩兩相當二月生白花青萼五月結實青圓二子為房其草暴燥色青白堪用若陰乾便黑爛鬱壞矣根似荊根黃色而破細實黃者為雞骨常山用之最勝五月采一種出於海州者葉似楸葉八月有花紅白色子碧色似山棟子而小

常山有苦寒蜀漆有毒
共為治瘧之最要不可多進令人吐逆老人久病切忌之
甘草則土瘧得大黃則利桔梗為之使

△按常山處處有之出於丹波者為良其葉甚臭高丈許木之屬故稱臭木葉似梓楸葉而團尖畧皺不澤六月開細花白紅雜攢亦似梓楸花蓋蕪頌所謂海州之常山是乎然本草不言葉臭者未審人以其葉為治瘧藥屢有効但本經常山葉如茗葉者本邦未有之
常山蟲 在此木株中蟻也蝕木心六七月破株取之用入疳藥或炙食小兒凡取蟻法有蟲木株必有小孔用管吹水於中蟲首出於孔輒剪木縛兩端探得之



藜蘆

和名山宇波良

一名之乃久此乃木

山葱 葱薺

豐蘆 葱薺

葱葱 鹿葱

葱薺

本綱藜蘆山谷處處有冬凋春生苗葉似初出機心又似車前草莖偃葱白青紫色高五六寸上有黑皮畧莖偃

皮有花肉紅色其根似馬腸根長四五寸許黃白色鬚三
二寸許二三月采根陰乾生高山者為佳

根辛寒或云吐上膈風涎癩病凡吐藥不一常山吐瘧
下熱烏附火痰濕萊菔子痰藜蘆則吐風痰者也
黃連為之使反苦參惡大黃畏葱白服之吐不止飲葱湯
即止

△按藜蘆今多植庭園愛其花形狀全如上說而根少異
耳性宜陰處冬亦不凋葉似車前草而厚長布地生三
四月抽莖開花肉紅色或淡黃或棕色或外褪內白或
外紫內黃或樺色或外青內白者名五須手或淡紫者
名出胎根圓似鳧此而中根多如髭故名蝦根恐此藜
蘆也然自古以万年青為和藜蘆葯非也
倭方有桑山小粒丸能治小兒諸蟲驚癇方中有苦參
藜蘆此相友之物何得宜乎但如倭方藜蘆即用万年
青佳也故藥肆和藜蘆万年青根也見于後



木藜蘆

黃藜蘆
鹿驪

モツリイロ

俗云濱木綿
又云濱芭蕉

本細木藜蘆生近水溪澗石上小樹也莖葉與藜蘆大同
葉狹而長多皺文四月開細黃花五月結小長子如小豆
大根鬚百餘莖有苦年温不入藥用

△按木藜蘆南紀海濱溪澗有之高二尺許莖葉微似芭
蕉而狹長又似蜀黍苗有淺黑皮裹蘆數片層層夏抽
莖開黃花不如藜蘆花之艷性畏寒移植之於京大坂
多難茂又以不甚美人不為珍自古以藜蘆稱於毛止
故是亦呼曰濱於毛止齋誤而已



萬年青

千年益萬年春

今云於毛止

本草新編云氣味苦
澀微寒入腎經及腕
車通任督之脈

三才圖會云萬年青葉似芭蕉隆冬不表以其多壽故名
 △按萬年青性好陰濕石間葉布地生似玉蜀黍葉而小
 厚勁深青四時不凋夏根傍抽莖生花無葉瓣其莖一
 寸許淡青色花房黃白色而亦一二寸大可拊指形如
 橫槌結子初青後正赤累累攢生大如櫻桃
 一種有葉縱文白者呼名筋萬年青以為珍三才圖會所
 畫有縱理致富書云具於春秋二分時分種四月
 俗誤藜蘆為萬年青之訓葉畧似而終以萬年青根為
 倭藜蘆沽之豐前中津之產良遠列朝比奈藝列廣島
 亦佳挿葉及實於花瓶稱萬年青前置以為極秘傳



附子

別有草烏頭
 白附子故呼
 之為黑附子
 川烏頭

本綱烏頭乃附子之母綿州彰明縣多種之今之四川地
 最為上江南來者不堪用每年以上田熟耕作壟十一月
 播種春月生苗其莖類野艾而澤其葉類地麻而厚其花
 紫瓣黃糝長苞而圓其品凡七本同而未異其初種之小
 者為烏頭附烏頭而旁生者為附子又左右附而偶生者
 為高子附而生出或變出形長而不生子者為天雄附而
 尖者為天錐附而上出小者為側子附而散生者為漏藍
 子皆脈絡連貫如子附母凡種一而子六七以上則皆小
 種一而子二三則稍大種一而子特生則特大
 附子辛温有大毒 陰證要藥凡傷寒傳變三陰及中寒夾陰

雖身大熱而脉沉者必用之或厥冷腹痛脉沉細甚則
唇青囊縮者急須用之有退陰回陽之力起死回生之
功陽中陰浮中沉無所不至為諸經引用之藥
凡附子無乾薑不熟得甘草則性緩得桂則補命門得生
畏防風薑則能發散以熱攻熱又導虛熱下行以除冷
者為上其色以花白者為上有節如鼠乳色亦鐵色者
次之形不正而傷缺風皺者色亦青綠者為下
本草必讀云市肆售者有以鹽水浸之取其潤澤
體重買者當以體乾堅實項圓正底平者為良

烏頭

別有草烏頭故呼之川烏頭乃附子之母也能治諸風
附子性重滯温脾逐寒若寒疾即用附子風疾即用
烏頭性輕疎温脾去風
川烏頭

天雄

一名白幕種附子生出長者至三四寸許或種附子而
盡變成長者即如種芋形狀不一之類也但不生子故
曰天雄其長而尖者謂之天錐象形也須重一兩半有
象眼者乃佳

天雄辛温有毒 治大風寒濕痺骨節痛凡虛寒須用附子
風家多用天雄烏頭附子共是補下焦命門陽虛之藥

側子

一名煎子蓋附子之側粘連小者名側子辛大熱有大
子治癰腫風痺又治遍身風癢神妙也烏頭乃原生得
同子治癰腫風痺又治遍身風癢神妙也烏頭乃原生得
移居平中者也側子散生旁側體無定在其氣輕揚宜
其發散四肢充達皮膚為治風之藥天雄長而尖其氣
親上宜其補焦之陽虛漏籃子則餘氣所
結其形催殘宜其不入湯服令人喪目也

漏籃子

一名木鼈子又名虎掌天南星之小者亦名此乃附子

和漢三才圖會 卷九十五

之瑣細未成者小而漏籃故名之有辭此不堪服餌止
宜入瘡科也服之令人喪目

△按附子有毒藥而虛寒厥冷症必用之良藥也凡體重
實一個十錢有余為上七八錢者為下浸鹽水渡之故
至夏月如不曝乾則濕爛不堪用
延喜式有貢附子則昔本朝出附子乎今止有草烏頭
耳中華亦四川外多無之



鳥喙附子

土附子受毒

草烏頭

耿子 毒公

金鴉苗名長良

ツクウ、ネウ 及音董音獨音白音草

又名鴛鴦菊汁煎名射罔本綱云草烏頭根苗花實並與
川烏頭同但此係野生又無釀造之法其根外黑內白嫩
而枯燥為異爾然毒則甚焉鳥喙則偶生兩岐俗曰兩頭

尖者也附子天雄之偶生正月始生葉厚莖方中空葉四

四相當與蒿相似

氣味辛溫有毒治中風惡風洗洗出汗破積聚寒熱遠志

反半夏括樓貝母白芨畏
節糖黑豆冷水能解其毒

射罔

苦有大毒此即草烏頭生去皮搗芋莖汁瀝汁澄清旋
漆晒乾取膏為射罔以傳箭射禽獸十步即倒中人亦
死人中其毒以甘草藍汁小豆葉浮萍冷水薺菜皆可
一味禦之

△按草烏頭俗呼名止葉似菊葉而厚八九月開花淺紫
色形似伶人所着鳥冠故名之又有白花者其根乃草
烏頭也用殺頭蟲瘡外科用之和州金剛山之產良若
州江州次之今人家種之賞花此與蝦夷射罔
蝦夷人每用射罔毒塗箭其鏃圓木也名燕以射禽獸

彼土無兵器用之禦入中者斃焉如今能知其解毒藥
 不強怖矣羽州有之特壯鞞葉形尋常草烏頭無異其
 毒甚烈誤食一葉即死土人名燕射罔蝦夷人所用
射罔是也



白附子

パツフツツ

本綱白附子本出高麗新羅生砂磧下濕地獨莖似鼠尾
 草細葉周匝生於穗間根正如草烏頭之小者長寸許乾
 者皺文有節蓋因與附子相似故名白附子彼稱黑附子
 實非附子類也

氣味辛甘温
有小毒
 一切冷風

陽明經藥純陽引藥勢上行治中風失音

天南星



虎掌

天南星

てんなんしやう

虎掌

鬼菟藟
 虎膏

和名於保々曾美

テンナンスイ

本綱虎掌 河北多有之三四月生苗高尺餘獨莖上有
 葉如爪五六出分布尖而圓一窠生七八莖時出一莖作
 穗直上如鼠尾中生一葉如匙累莖作房旁開一口上下
 尖中有花微青褐色結實如麻子大熟即白色自落布地
 一子生一窠其根初如豆大漸長大似半夏而扁年久者
 根圓大者如雞卵周匝生圓芽三四枚或五六枚
 天南星 冀州菜圃中種之二月生苗似荷梗其莖高一
 尺以來葉如蒟蒻兩枝相抱五月開花似蛇頭黃色七月
 結子作穗似石榴子紅色其根似芋而圓扁與蒟蒻相類
 但蒟蒻莖斑花紫此是根小柔膩肌細炮之易裂為可辨

爾蓋天南星，即本經虎掌也。由漢名古方多用虎掌，不言天南星。始於唐時也虎掌，因葉形似之，非根也。南星，因根圓白形如老人星，狀故名南星。

天南星，有苦辛乃手足太陰脾肺之藥，味辛而麻，得風故能治風散血氣，溫而燥，則得牛膽故能勝濕除涎，性紫而毒，則得火炮故能攻積拔腫而治口喎舌糜。畏附子，乾薑，生薑。

欲其下行，以黃蘗引之。

△按虎掌本名也，倭名抄亦有虎掌，無天南星。蓋天南星之名始出於唐時也。明馬令却虎掌無識者，疑此從虎掌子種所出異品名天南星。一物異品，近頃亦出異品。

歡喜草之類是也。既虎掌與天南星相似而各別也。又天南星有二種，花房淺青色而末如鼠尾者，高二尺許，是自一類。二種也。三才圖會及本草必讀出虎掌與天南星之二圖，為二物，明焉。天南星日向薩摩之產最良，豐前中津藝

州廣島之產次之



武藏燈

ひしりわづ

草珊瑚珠

△按此出於虎掌子種，高尺許，葉大似虎掌，三四月開花，外青內赤，黑色形似馬燈，故俗名武藏燈。其稍秋結實，似天南星及万年青子而小，攢生為一團，正紅色。至冬葉落而唯見子耳，故側植石章而假用其葉。



歡喜草

くさんさきう

歡喜草

雪餅草

皆俗稱也

△按歡喜草即天南星變生於子種者也近頃始出豫州
 移栽攝陽人以為奇異好事者附異名也三月生一莖
 作花房其本一二寸如筒帶微褐色而為半片如匙白
 色亦似佛後光末尖曲覆干花上其花生筒中圓白如
 餅故名雪餅草四五月花落結實形如玉蜀黍而細小
 青色熟乃紅色莖葉如莧蕪



蒟蒻

若舉

荔頭 鬼頭
 和名古通
 夜久

本細蒟蒻本出蜀中宜樹陰下掘坑積糞春時生苗至五
 月移之長一二尺與天南星苗相似但莖多葉點其花紫
 色宿根亦自生苗經二年者根大如碗及芋魁其外理白
 秋後采根須淨擦或搗或片段以醃灰汁煮十餘沸以水

淘洗換水更煮五六遍即成凍子切片以苦酒五味淹食
 不以灰汁則不成也切作細絲沸湯灼過五味調食狀如
 水母絲


根辛寒生則斂人喉出血延壽書云有人患瘵百物不
 忌見隣家修蒟蒻求食之美遂多食而瘵愈又有病腮
 癰者數人多食之亦皆愈

△按蒟蒻紀州粉河繩州鍋山之產為上備前丹波次之
 讚州又次之七八月采根晒乾掛檐間煮之為餅詳干造釀
 下類又為紙衣糊煮熟以裨心透通取出搗為糊又痼疾
 人食之發

苦薩草

本綱生江浙州郡凌冬不凋秋冬有花直出赤子如荔頭
 冬月采根用味苦無毒主中諸毒酒毒研服之又諸蟲傷
 搗汁飲并傳之

按菩薩草即今云歡喜草之類乎然歡喜草冬枯春生
苗此物凌冬不凋以為異故重出



半夏

守田 水玉
地文 和姑
和名保曾久美
俗云烏村

本綱半夏以青州齊州者為佳二月始生苗一莖莖端三
葉淺綠色頗似竹葉白花圓上也月令五月半夏生蓋當
夏之半故名之八月采根實大生江南者似芍藥葉根下
相重上大小皮黃肉白

根辛生微寒肉白者佳不厭陳久凡用生者乾人咽喉
熟溫有毒
方中有半夏必須用生薑者以制其毒也惡皂莢畏生
頭柴胡為之使治熱痰佐以黃芩風痰佐以寒痰痰佐以薑痰佐以薑痰
忌海藻節糖口渴者禁用為其燥孕婦忌之用生薑則無害
皮白木

○修治 洗去皮垢以湯泡浸七日逐日換湯令滑盡眼
乾切片薑汁拌焙入藥

半夏餅 用半夏研末以薑汁和作餅子日乾用
半夏麴 用半夏研末以薑汁白礬湯和作餅楮葉包
置籃中待生黃衣日乾用

經云腎主五液自入為唾入肝為泣入心為汗入脾為痰
入肺為涕有痰曰嗽無痰曰欬痰者因嗽而動脾之濕也
半夏治痰之標不能治痰之本治本者泄腎也俗以半夏
為肺藥非也

俗以半夏有毒用貝母代之夫貝母肺經大陰半夏足太陰
經明何可以代若勞虛咳嗽吐血咯血肺痿肺癰婦人乳
癰及癰疽惡毒乃禁用半夏故皆以貝母為向導猶可代
也至於脾胃濕熱涎化為痰久則生火痰火上攻昏憤僵
仆蹇澁等症生死且夕亦豈貝母可代者耶

△按半夏 出於豫州者最良豐州中津藝州廣島雲州

島根郡江州之產皆次之毛大粒而色白無皮者為良
小粒而色不白及有皮者不可用也藥肆所造麴半夏
多用小者其薑製亦不精也特有毒之藥修製不可輕
忽宜自製詳審也

治五絕急病自益。墻壁木石壓。溺水。魔魅。產乳。以丸半夏細末用冷水
和丸如大豆納鼻孔中心頭溫者雖經一日可治



蚤休

蚤休 三層草
七葉一枝花
草甘遂 蚤休
紫河車 重臺
白甘遂

本綱又名金線重樓或云重樓生深山陰濕之地一莖留上
莖當葉心葉綠色似芍藥又云葉似玉孫莖麻凡二三層
每一層七葉莖頭夏月開花一花七瓣有金線蕊長三四
寸又有至五七層者根如鬼臼蒼木狀外紫中白有粘帶

根或云微寒有毒 摩醋傳癰腫蛇毒甚有效俗諺云七葉
一枝花深山是我家癰疽如遇者一似手拈拏是也



鬼臼

鬼臼 天臼 鬼藥
爵犀 解毒 旱荷
害母草 羞土人花
木律草 八角盤
唐婆鏡 獨脚蓮

獨荷草山荷葉馬自毒公瑤田草名有數本綱有二種根皆
似天南星赤莖直上莖端生葉一種葉凡七瓣一種葉作
數層葉似蓖麻面青背紫而有細毛葉下附莖開一花狀
如鈴鐺倒垂青白色黃蕊中空結黃子風吹不動無風自
搖又曰此草一年生一莖既枯則生一白及入九年八九
白矣然一年一白生而一白腐蓋陳新相易也
根辛溫 解百毒治子死腹中胞破不生者此方累效救
鬼臼不拗多少黃色者去毛為細末不用篩羅只熬也

服一錢酒一盞同煎八分通口服立生如神名一字散



射干

野萱花萱薑
黃遠 仙人掌
紫金牛

本綱射干有數說今取春生苗高一二尺葉大類蠻薑而
狹長橫張疎如鳥翅及扇之狀中抽莖似萱草莖而強硬
六月開花大如萱花黃紅色瓣上有細文秋結實作房中
子黑色

根苦寒多服瀉人能降火故治咽喉腫痛射干根山豆
根乾陰為末吹之如神

△按本草綱目射干與烏扇為一物因倭名抄亦云射干
一名烏扇須安布木並未詳審其二物莖葉花形狀各
別也獲頌所謂莖梗疎長正如射之長竿之狀者射

也莖短葉側相比而如扇者烏扇也
射干葉似鷲尾而闊段段抱莖上生中心抽一莖高三
四尺七月開花似萱草花而六瓣黃赤俗呼紅有細點
畧如山丹花結實作房如胡麻房而三稜一房六瓣有
中子二三十粒大如豌豆而生青熟紫黑色而硬
一種小射干射干名姬葉小而長六七寸如石菖蒲花亦
小淺紫畧似菖蒲花而小美可愛



烏扇

烏扇 烏吹
烏蒲 鳳翼
和名加良須
阿布岐
俗云檜扇

△按本綱烏扇射干以為一物今別之異名亦分附于此
凡物某與某以相似者謂之烏此似官家所持檜扇故
名烏扇又名檜扇乎其葉似鷲尾而狹勁色亦深潤比

此匾平相雙頰如扇抽莖不過一二尺四月開花狀似
鸞尾花而小灰白色有黃文而不結實其根蘆微紫色
俗相傳修驗者呪咀調伏以此花為佛供故尋常忌之
未知然否

又世俗所謂烏扇乃射干射干乃烏扇也共以形狀辨
之則自明焉蓋一物培柴灰於根則葉生皺以為奇珍
射干之名有二佛經射干紹楨此是惡獸似青黃狗食人
能緣木阮公云射干麻層城者是樹殊有高大者本草射
干是草鳥今人所種者也



鸞尾

鳥園
根名鸞尾頭
和名古夜須久佐
俗云伊知及豆

本綱鸞尾其苗低下於射干葉布地生狀如鸞之尾其葉

似射干而潤短不抽長莖夏開花紫碧色根似高良薑節
大數箇相連皮黃肉白

根有毒 嚼之戟人咽喉但治邪氣鬼疰諸毒
四物鸞頭散 治鬼魅邪氣鸞頭黃牙 金莖若子防
葵為末方酒服欲冷病人見鬼增防葵一分欲令知鬼
又增一分立驗不可多服

按鸞尾莖矮形狀似烏扇而艷色似射干但烏扇射干
翻可見三四月抽短莖開花形似燕子花而紫色花之
底微白



玉簪

白鶴山
俗云破保牢之

本綱人家栽為花草二月生苗成叢高尺許柔莖如白菘

其葉大如掌圓而有尖葉上紋如車前葉青白色頗嬌瑩
 六七月抽莖莖上有細葉中出花象十數枚長二三寸本
 小未大未開時正如白玉搔頭簪形又如羊肚蘑菇之狀
 開時微綻四出中吐黃蕊頗香不結子其根連生如鬼白
 射干生薑輩有鬚毛舊莖死則根有一白新根生則舊根
 腐

根甜寒 治癰腫搗酒服以渣傳之
 古今醫統云嚴冬用稻草覆其根則來春易發
 畫譜云春初移種肥土中則茂其花瓣入少糖霜煎食香
 清味淡可入清供

△按玉簪葉潤圓末尖似橋欄干之形故俗呼名岐保宇
 之五月開花也如上說六七月結實作莢長寸許一莖
 十余莢垂下生青熟枯黃色內有細子正黑色也然本
 草謂不結子者非也又蘑菇之菇當作菰菰傳寫之誤
 矣而羊肚菜俗云井蘑菇俗云菰詳于芝栢類



小玉簪

本綱玉簪之紫花者葉微狹○畫譜云玉簪紫者花小葉
 上黃綠間道喜水分種盆右栽之可玩
 △按俗云小玉簪葉狹長抽莖也二三尺長於白鶴仙其
 花微紫或純白也又有葉上黃縱理者謂之疏玉簪花
 以為異近牟出之畫譜所言者是也



鳳仙花

急性子 旱珍珠
 金鳳花 小桃紅
 染指甲 草菊婢
 夾竹桃 海蔘

本綱鳳仙花極易生二月下子五月可再種苗高二三尺莖有紅白二色其大如指中空而脆葉長而尖似桃柳葉而有鋸齒極間開花或黃或白或紅或紫或碧或雜色亦自變易狀如飛禽頭翹尾足具如鳳狀女人米其花及葉包赤指甲自夏初至秋盡開謝相續結實累然大如櫻桃其狀微長色如毛桃生青熟黃花之即自裂皮卷如拳苞中有子似蘿蔔子而小褐色

子微若溫能治骨哽以竹筒灌入良但此草不生蟲蠹蜂蝶亦不近恐亦不能無毒也其子性急速故能透骨軟堅危人烹魚肉硬者投數粒即易軟爛是其驗也凡服之者不可着齒也最損齒與玉簪根同多用亦戟人咽

畫譜云金鳳花六種有重瓣單瓣紅白粉紅紫色淺紫如藍有白者上生紅點疑血俗名洒金六色花開一落即去其蒂則花茂與月季同

△按鳳仙花蜂蝶亦不近之說非也特蝶喜吸其花也然為人則可有小毒能解物骨故亦不可不損人齒



曼陀羅花 風茄兒 山茄子

三トウロハア

本綱曼陀羅花生北土人家亦栽之春生苗夏長獨莖直上高四五尺生不旁引綠莖碧葉葉如茄葉八月開白花凡六瓣狀如牽牛花而大攢花中拊駢葉外包而朝開夜合結實圓而有下楞中有小子九月采實法華經言佛說法時天雨曼陀羅花又道家北斗有陀羅星使者手執此花故後人因以名之花子辛溫治面上生瘡曼陀羅花晒乾研末少許貼之時珍曰相傳此花笑米釀酒飲令人笑舞米釀酒飲令

人舞予常試之飲酒半酣更令人或笑或舞引之乃
 驗此與火麻子花陰乾等分為末熟酒調服三錢少頃
 昏昏如醉割瘡灸火宜先服此則不覺苦
 △按近頃來於朝鮮今人家多栽之花似大牽牛花及博
 多百合花故俗曰朝鮮牽牛花其實似檳榔子而有細
 礪文又別有名曼陀花者同名異種 見溫草部



羊躑躅

ヤチツ チヨツ

黃躑躅老花
 黃杜鵑驚羊花
 五枝羊不食草
 開羊花開當作

本綱近道諸山皆有之小樹高二尺葉似桃葉三四月開
 花黃色似凌霄花而五出蕊辨皆黃而氣味皆惡
 花辛溫有毒 羊食其葉躑躅而死
 △按羊躑躅和名以波豆々之 槐本草之諸說則今云蓮

華躑躅也丹波及和州吉野山多有之其木二三尺高
 者五六尺葉似楊梅葉而薄有微白毛三月開花五出
 似凌霄花一莖八九萼遠望之如蓮華故名之又有赤
 蓮華者換頌云嶺南有深紅 凡躑躅之品類雖多黃花
 者惟蓮華躑躅豆其躑躅之二種也而稿躑躅岩躑躅
 等亦一類而花色不黃

豆其躑躅

俗云未女加良豆豆之

△按豆其躑躅溪山巖石間有之三四月開花似芙蓉柳
 花而黃色其葉四時不凋端卷反似豆空夾故名之
丹波水郡之山中 有之



稿躑躅

俗云毛知豆々之

俗種

△按藕躑躅葉淺綠色有細毛枝少花繁三四月開花淡紅似桃花色而一枝數莖其花及莖觸手即黏如藕故名之花形色不美今人四月八日灌佛用之或捕竹竿供之未知其概但當此時甚多故取其簡易耳
一種有躑躅名江戶万葉似藕躑躅其花千葉而色濃木黏為異
一種有岩躑躅豆之葉花共小花色深赤



琉球躑躅

平戶躑躅

△按平戶九州之地名本出於琉球四月開花草瓣白最易繁茂其大者至一二丈

一種有朝鮮躑躅高五六尺葉似檀葉三四月開花大如平戶躑躅花而淡鼠白色潤澤最為珍

多ふけし

永來部躑躅

△永來部薩摩之南島也出於彼土甚暖故如雖移種于畿內怕寒難茂盛其花赤大徑五六寸許甚奇凡躑躅之種類最多不下三百種不能悉記之



山石榴

山躑躅

杜鵑花
和名阿伊豆之
今云左豆木

サシツチヨツ

本綱山躑躅處處山谷有之高者四五尺低者一二尺春
生苗葉淺綠色枝少而花繁一枝數萼二月始開花如羊
躑躅而蒂如石榴花有紅者紫者五出者千葉者小兒食
其花味酸無毒

草本畫譜云杜鵑花喜陰惡肥天蚤以河水澆之樹陰下
放置則茂葉色青翠可觀有黃白二色

一種有藤牽牛花者葉似躑躅而花似山石榴而大淡紫
色蓋藤者言色牽牛花者言形

△按山躑躅高者五六尺其花有白有赤有紫有桃紅有
赤白襍開者至三百餘種四月始開五月為盛人呼五
月稱佐豆幾故名之凡紀列遠列等山中躑躅山鵲花
共大木多有高一二丈周二尺許者

攝列須磨一谷二谷至權現山凡三四里許遠列秋葉
山麓乾川兩邊亦三四里許躑躅山鵲花甚多夏月滿
山頗如錦丸正月折枝挿地則活攝列多田鄉圃人常

栽之敗市又木株最堅燒炭以為圍炭圍者茶湯室名
詠曰加文井



映山紅

俗云收利采

紅躑躅

草本畫譜云映山紅生滿山頂其年豐給人競之

△按本草綱目山躑躅杜鵑花抽映山紅躑躅以為一物今

別為二種凡躑躅葉形類桃及柳葉映山紅葉畧帶圓
形杜鵑花葉形比映山紅狹長三種大異也

映山紅花類杜鵑花而小深赤色單葉三月開花能狀
滿山故名之有大小二種小映山紅開花最繁蔽枝條

堪愛今又有白花者有單葉八葉千葉之數品大抵二
三尺高者一二丈以為珍薩摩日向山谷多有之移種

于諸國彼地有霧島嶽每嶺燒起且此花映山故各名之

朝鮮載晉山世稿云本朝後土御門時得日本躑躅數盆
及其花開葉單而花瓣甚大色類石榴重附疊萼久而不
衰其與我國色紫而千葉者妍蚩不啻若嬪母與西施也
上嘉賞之命下上林園分植外人秘莫能得後一以種盆
一以種地以試之種地者凍死而盆者無恙數年之間枝
條方盛映此杜鵑花或大映山紅之類也



荒花

杜荒敗華赤荒
毒魚兒草去水
頭痛花其根名
黃太戟蜀桑
俗云以波布知

本綱荒花近道處處有之宿根舊枝莖紫長一二尺根入
土深三五寸白色似榆根春生苗葉小而尖似楊柳枝葉
二月開紫花頗似紫荊而作穗又似藤花而細三月采花

五月采葉八九月采根陰乾小人爭鬪者取此葉按捺皮
層輒作赤腫如被傷以誣人其花有紫赤白者絳州出者
花黃謂之黃荒花凡因其氣惡呼為頭痛花
荒花苦溫治欬逆上氣喉鳴喘咽腫療水腫用當微熬
取留陳久者張仲景治傷寒太陽證表已解有時頭痛
出汗惡寒心下有水氣乾嘔痛引兩脇或喘或欬者用
十棗湯治之中有荒花
△梅荒花俗云葉花並似藤而小三月開花紫色或白色
乃如有紫藤白藤二種然未見赤黃者
別有谷藤草類又有華鬢草草類濕共似荒花而異



荒花 饒音

和名波末仁禮

本細莨花即莨花黃色者也小株花成簇生其花生時色黃乾則如白或言無莨花以桃花代之取其利耳氣味苦寒治傷寒溫瘧下十二水破積聚癥瘕

△按莨花有和名則古者有之乎今無之



醉魚草

闊魚花 櫟木魚尾草

本網醉魚草在塹岸邊作小株生高者三四尺根狀如枸杞莖似黃荊有微稜外有薄黃皮枝易繁行葉似水楊對節而生經冬不凋七八月開花成穗紅紫色儼如莨花下樣結細子漁人采花及葉以毒魚盡圍圍而死池沼邊不可種之此花色狀氣味並如莨花毒魚亦同但花開不同時為異爾

又有狀如蕪而赤華名曰葶薺者可以毒魚



莽草

茵草 芒草
音 鼠莽 莽俗
作莽 音 冏 或入木部

本網莽草木若石南而葉稀無花實揉之其臭如楸搗以和陳粟米粉納水中魚吞則死浮出人取食之無妨又山人以毒鼠周禮煎氏掌除毒物以茵草熏之則死氣味辛溫治喉痺及牙痛取葉煎湯熱含冷則吐之誤食之害人惟黑豆煮汁服可解豆汁澆其根即爛性相制也

△按莽草俗以為櫟者非也櫟有花實是亦入水中魚死故相誤乎



茵芋 荳蔻
 和名仁豆之
 云乎加豆之

本綱茵芋雍州絳州華州杭州有之春生苗高三四尺莖赤葉似石榴而短厚又似石南葉四月開細白花五月結實

莖紫有苦温 茵芋莽草皆古人治風藥為妙品近世罕知
 △按茵芋和名有躑躅之號詳今躑躅類中無結實者



石龍芮
 地樵天豆石能
 魯果能水莖
 胡椒菜莖葵
 彭根 苦莖
 和名不加豆美
 俗云田芥子

本綱石龍芮生近水下濕地高者尺許其根如薺二月生苗叢生圓莖分枝一枝三葉葉青而光滑有三尖多細缺四五月開細黃花結小實大如豆狀如初生桑椹青綠色槎散則子甚細如葶藶子宜半老時采之入藥有二種
 水生葉光末團者石龍芮也
 陸生葉毛末銳者葶藶也
 子根無苦平 治風寒濕痺心腹邪氣利關節補陰氣久服輕身明目不老
 △按石龍芮葉如人參葉而花實與毛茛同截瘡按葉貼寸口一夜作泡功亦與然則是不無毒者也



毛茛
 毛建草水茛
 毛莖天灸
 自灸 猴蒜
 俗云鬼田芥子
 今云金寶花

本綱毛茛下濕處即多蓋茛乃草烏頭之苗此草形狀
 及毒皆似之故名之春生苗高者尺餘一枝三葉葉有三
 尖及細缺與石龍芮莖葉一樣但有細毛為別四五月開
 小黃花五出甚光艷結實狀如欲綻青桑椹而有尖峭與
 石龍芮子不同

葉及子辛溫有毒惡瘡癰腫疼痛未潰者搗葉傳之勿入瘡
 截瘡采葉貼寸口男左女右一夜作泡如火燎
 △按毛茛形狀如上說今千葉花亦有花罷莖枝則更
 生苗一莖一葉無枝極無毛畧似小款冬而冬亦不粘
 至春別抽莖枝葉形變生毛黧青色不似石龍芮光澤



牛扁

倭名太知未知佐

ニウベン
 扁特 扁毒

本綱牛扁生平澤下地似葦草石龍芮葦根如秦艽而細
 根苗苦微寒無毒治身皮瘡熱氣可作浴湯殺平虱又能治
 牛病

虱建草

本綱生山足濕地發葉似山丹微赤高一二尺味苦無毒
 接汁沐頭虱蟣盡死



葦麻

毛蕪葦蕪

本綱葦麻山野諸處多其莖有刺高二三尺葉似花桑或
 青或紫背紫有毛芒可畏觸人如蜂螫蠶蠶蓋以人溺灌之
 則解有花無實冒冬不凋接水中能毒魚

氣味辛苦寒 治蛇毒搗塗之人食之吐利不止投水中能毒魚杜子美有除莠草詩是也



海芋

觀音蓮羞羞章 獨河仙天荷

本綱海芋生蜀中今處處有之春生苗高四五尺大葉如芋葉而有幹其大者可以禦雨葉背紫色夏秋間抽莖開花如一瓣蓮華碧色花中有蕊長作穗如觀音像在圓光之狀其根如芋魁大者如升盈長六七寸蓋野芋之類也以可變金味辛有大毒

透山根

本綱生蜀中山谷其草類薜蘿昔有人採藥誤研此草刀

忽黃軟成金也取汁可以點鐵成金有大毒人誤食之化為紫水見胸樓神書及庚辛玉冊

一種有金英草亦生蜀中狀如馬齒莧而色紅模鐵成金亦有大有毒入口殺人須臾為紫水也
△按蜀中者今之四川地出諸藥名草透山根金英草亦有之矣但變鐵成黃金者變色耳



鉤吻

野葛 斷腸草 毒根 胡蔓草 黃藤 火把花 俗云奈倍和利

本綱鉤吻南方桂州益州等村墟間巷間皆有蔓生莖大如箭而方其葉如柿圓面光春夏嫩苗甚秋冬枯老稍緩五六月開花似檉柳花而色紅又有黃花者數十朵作穗其根新米者皮白骨黃宿根似地骨與白花藤相類人

亦惑之新者折之無塵氣經年以後則有塵起從骨之細孔中出今又折枸杞根亦然人誤食其葉者半日則黑爛死無復生少入口則鉤人喉吻也故名鉤吻然羊食其苗大肥物有相伏如此或云葉如茶然謂昔岐伯對黃帝言如棟葉者多也黃精益壽鉤吻殺人乃是二草善惡死反此對而言如食鉤吻葉而飲

冷水即死急也冷水發其毒也
薤菜能解其毒取薤菜汁滴鉤吻苗即萎死如中鉤吻毒口不可開者取大竹筒洞節以頭拄其兩脇及臍中灌冷水入筒中數易水須臾口開乃可下藥解之惟多飲甘草汁人尿汁或取雞卵抱未成雛者研爛和麻油灌之吐出毒物乃生稍遲即死

△按駿列遠列及備列有鐮破者延蔓生莖有刺葉似山茶葉而不尖有縱理六月開小花秋結實熟則外皮開裂內子赤其葉有毒舐亦唇舌裂故名舐破訛訛如此鉤吻草之類乎然本草鉤吻不言子有無

